



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 408
fax. +387 33 726 414
e – mail: info@voda.ba

Broj: UP-I/25-3-40-211-11/21

Datum: 15.09.2021. godine

„Agencija za vodno područje rijeke Save“ Sarajevo rješavajući po zahtjevu Investitora „AKVAINVEST“ d.o.o. Živinice, za donošenje rješenja o vodnoj dozvoli za ispuštanje oborinskih onečišćenih voda (tehnoloških otpadnih voda) u prirodni recipijent sa lokacije objekta za skladištenje sekundarnih sirovina firme „AKVAINVEST“ d.o.o. Živinice, na osnovu člana 109. stav (1) tačka 2. Zakona o vodama („Službene novine Federacije BiH“, broj 70/06) i člana 200. stav (1) Zakona o upravnom postupku („Službene novine Federacije BiH“, broj 2/98 i 48/99), donosi

R J E Š E N J E **o vodnoj dozvoli**

1. Investitoru „AKVAINVEST“ d.o.o. Živinice daje se vodna dozvola za ispuštanje oborinskih onečišćenih voda (tehnoloških otpadnih voda) u prirodni recipijent sa lokacije objekta za skladištenje sekundarnih sirovina izgrađenog na zemljištu označenom kao k.č. broj 3546/1 K.O. Živinice Grad, Grad Živinice.
2. Ova vodna dozvola ne oslobađa podnosioca zahtjeva obaveze pribavljanja saglasnosti i dozvola od strane drugih nadležnih organa, a sve u skladu sa važećim zakonskim propisima, uredbama i dr.
3. Vodna dozvola se daje na osnovu činjeničnog stanja utvrđenog pregledom dostavljene projektne i druge dokumentacije, izvršenog uviđaja na objektu i pod slijedećim uslovima:
 - 3.1. Da pravno lice, „AKVAINVEST“ d.o.o. Živinice, obezbijedi da se sistem za prikupljanje, prečišćavanje i ispuštanje otpadnih voda sa lokacije objekta za skladištenje sekundarnih sirovina sa pratećim sadržajima, održava u funkcionalnom stanju i koristi u skladu sa namjenom i uslovima iz ove vodne dozvole.
 - 3.2. Da se u roku od maksimalno dvanaest (12) mjeseci pravosnažnosti ovog Rješenja izvrši ugradnja uređaja za tretman oborinskih onečišćenih voda – separator nafte i naftnih derivata sa koalescentnim filterom, odabran u skladu sa Europskim normativima EN 858-2, u okviru kojeg će biti i okno za monitoring prečišćenih voda, a sve prema vašoj izjavi broj: 03-09/2021-1 od 03.09.2021. godine. Nakon ugradnje predmetnog separatora, nosilac prava iz ove vodne dozvole, dužan je pismeno obavijestiti ovu Agenciju.
 - 3.3. Korisnik poslovnog objekta za sve vrijeme trajanja ove vodne dozvole, mora poduzeti sve potrebne mjere kako bi se spriječio nastanak i rasipanje oborinskih onečišćenih voda (tehnoloških otpadnih voda) na zemljanim i neuređenim površinama, tako što će se na adekvatan način i u skladu sa propisima vršiti sortiranje i skladištenje sekundarnih sirovina tako da sekundarne sirovine koje potencijalno sadrže ulje i naftne derivate koji mogu da se isperu oborinskim vodama ne odlaže na površine koje nemaju vododrživu podlogu.
 - 3.4. Korisnik poslovnog objekta za sve vrijeme trajanja ove vodne dozvole, mora obezbijediti da se oborinske onečišćene vode sa saobraćajnih i manipulativnih površina zajedno sa tehnološkim otpadnim vodama nastalim na otvorenim asfaltiranim platoima - lagerima namijenjenim za prihvatanje i skladištenje sekundarnih sirovina, nesmetano prikupljaju sistemom slivnika i kanalizacione mreže te odvede do uređaja za prečišćavanje onečišćenih voda (taložnik, tipski separatora ulja i naftnih derivata nakon ugradnje istog), a zatim ispuštaju u zacijevljeni putni kanal.
 - 3.5. U toku važenja ovog Rješenja, korisnik predmetnog objekta je obavezan poduzeti sve potrebne mjere kako bi kvalitet otpadnih voda, a prije ispuštanja u recipijent, zadovoljio granične vrijednosti u skladu sa članom 21. Uredbe o uslovima ispuštanja otpadnih voda u okoliš i sisteme javne kanalizacije („Službene novine Federacije BiH“, broj: 26/20, 96/20).

- 3.6. Korisnik objekta je dužan, putem laboratorije ovlaštene od strane Federalnog ministarstva poljoprivrede, vodoprivrede i šumarstva, vršiti redovna ispitivanja kvaliteta otpadnih voda, uzimanjem uzorka efluenta iz okna za monitoring u skladu sa članom 19. stav (4) Uredbe o uslovima ispuštanja otpadnih voda u okoliš i sisteme javne. Učestalost i način ispitivanja vršiti u skladu sa članom 20. Uredbe o uslovima ispuštanja otpadnih voda u okoliš i sisteme javne kanalizacije. Rezultate analiza dostaviti ovoj Agenciji.
- Izveštaje o ispitivanju i ocjeni kvaliteta otpadnih voda može uraditi isključivo laboratorija ovlaštena od strane Federalnog ministarstva poljoprivrede, vodoprivrede i šumarstva po osnovu člana 64. stav (3) Zakona o vodama i Pravilnika o uslovima koje moraju ispunjavati referentne odnosno ovlaštene laboratorije za ispitivanje voda, sadržaj i način davanja ovlasti («Službene novine Federacije BiH», broj 14/10, 14/13, 26/14, 23/17 i 41/20).
- 3.7. Čišćenje separatora, taložnika i pratećih elemenata, te odvoz i konačno zbrinjavanje otpadnog mulja i taloga, kao i opasnog otpada sa predmetne lokacije može vršiti isključivo firma ovlaštena za tu vrstu djelatnosti, prema sklopljenom ugovoru. O načinu i vremenu radova održavanja, odnosno o pražnjenju, odvozu i zbrinjavanju sadržaja separatora ulja i masti, neophodno je voditi službenu evidenciju i arhivu.
- 3.8. Sadržaj (mulj) iz uređaja za prečišćavanje otpadnih voda i ostali otpad ne smije se odlagati na česticu «vodno dobro», odnosno u vodotoke i na njegove obale.
- 3.9. Da se u skladu sa propisima iz oblasti zaštite okoliša vrši bezbjedno skladištenje i postupanje sa opasnim materijama i otpadom nastalim na predmetnom lokalitetu (adekvatnim mjerama onemogućiti bilo kakvo isticanje i rasipanje opasnih i štetnih materija na tlo i u vode).
- 3.10. Osigurati priručna sredstva za brzu intervenciju u slučaju nekontrolisanog rasipanja opasnog otpada i isticanja naftnih derivata, kako bi se spriječilo moguće onečišćenje voda i tla.
- 3.11. Investitor je obavezan pridržavati se svih mjera i uslova propisanih u saglasnostima i dozvolama, izdatim od strane drugih nadležnih organa, a odnose se na korištenje i zaštitu voda i nisu u suprotnosti sa uslovima iz ove vodne dozvole.
4. Vlasnik, odnosno korisnik objekta je obavezan voditi propisne evidencije, te nadležnim organima dostavljati propisane obrasce (Obrazac EBS) u skladu sa Zakonom o vodama („Službene novine Federacije BiH“, broj 70/06) i Pravilnikom o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte vodne naknade i posebnih vodnih naknada („Službene novine Federacije BiH“, broj 92/07 - 03/16), Prilog 1., Poglavlje V – Određivanje koeficijenata zagađenja za zagađivače voda kod kojih se ne vrše direktna mjerenja voda te prema dostavljenim obrascima izvršavati u cjelosti i u propisanim rokovima obavezu plaćanja vodnih naknada.
5. U periodu važenja ove vodne dozvole, Investitor, odnosno korisnik objekta „AKVAINVEST“ d.o.o. Živinice je dužan provoditi sve mjere i aktivnosti propisane istom.
6. Ukoliko radom predmetnog objekta dođe do promjene režima površinskih ili podzemnih voda, a te promjene prouzrokuju štete ma kakvog karaktera, korisnik vodne dozvole je obavezan uzroke štete otkloniti, a nastalu štetu nadoknaditi.
7. Prava stečena po ovoj dozvoli ne mogu se prenositi na treća lica, a ista prestaju u skladu sa odredbama Zakona o vodama.
8. Vodna dozvola se daje do 19.12.2023. godine shodno članu 26. stav (1) Uredbe o uslovima ispuštanja otpadnih voda u okoliš i sisteme javne kanalizacije («Službene novine Federacije BiH», broj: 26/20, 96/20). Prije isteka ovog roka pravno lice je dužno zatražiti produženje iste. Ova vodna dozvola prestaje da važi u slučaju da se ne ispune uslovi iz tačke: 3.2. definisane na osnovu dostavljene izjave i predviđenog roka završetka radova.
9. Prije isteka važnosti ove dozvole, Investitor, odnosno korisnik objekta je dužan da podnese zahtjev za izdavanje nove vodne dozvole.

Obrazloženje

Investitor „AKVAINVEST“ d.o.o. Živinice, obratio se ovoj Agenciji sa zahtjevom za ispuštanje oborinskih onečišćenih voda (tehnoloških otpadnih voda) u prirodni recipijent sa lokacije objekta za skladištenje sekundarnih sirovina firme „AKVAINVEST“ d.o.o. Živinice, izgrađenog na zemljištu označenom kao k.č. broj 3546/1 K.O. Živinice Grad, Grad Živinice.

U provedenom postupku, uz zahtjev za donošenje rješenja o vodnoj dozvoli, dostavljena je i pregledana slijedeća dokumentacija:

- Aktuelni izvod iz sudskog registra Općinskog suda u Tuzli,
- Ovjerena kopija Uvjerenja o poreznoj registraciji izdate od strane Porezne uprave – Kantonalni porezni ured Tuzla dana 25.12.2010. godine;
- Kopija Uvjerenja o registraciji/upisu u Jedinostveni registar obveznika indirektnih poreza, broj: 04/1-17-35-420-4/10 od 18.11.2010. godine, izdatog od strane Uprave za indirektno-neizravno oporezivanje Banja Luka;
- Ovjerena kopija Rješenja o odobrenju za građenje donesenog od strane Službe za stambeno-komunalne i urbanističke poslove, općine Živinice, broj: 04/3-23-3550/19 dana 26.06.2019. godine;
- Kopija Rješenja o vodnoj saglasnosti broj: UP-I/25-2-40-386-2/19 od 11.07.2019. godine, donesenog od strane Agencije za vodno područje rijeke Save;
- Kopija rješenja o okolinskoj dozvoli, donesenog od strane Ministarstva prostornog uređenja i zaštite okolice Tuzlanskog Kantona, broj: 12/01-1-23-028385/17 od 11.10.2017. godine;
- Ugovor o iznajmljivanju zemljišta bez naknade od 01.01.2012 godine;
- Projekat vodosnabdjevanja, korištenja, prikupljanja i tretmana otpadnih i oborinskih voda, urađen od strane Rudarsko-geološko-građevinskog fakulteta u Tuzli, mart 2017. godine;
- Glavni projekat snabdjevanja vodom i dispozicija otpadnih voda za potrebe izgrađenog objekta za skladištenje sekundarnih sirovina, urađen od strane ATRIUS Projekt d.o.o. Živinice, juli 2021 godine;
- Dokaz o uplaćenju upravnoj i administrativnoj taksi na zahtjev.

Nakon pregleda dostavljene dokumentacije, u skladu sa članom 12. stav (5) i (6) Pravilnika o sadržaju, obliku, uvjetima, načinu izdavanja i čuvanja vodnih akata („Službene novine Federacije BiH“ broj 31/15, 55/19 i 41/20), izvršen je pregled predmetne lokacije i tom prilikom sačinjen zapisnik o uviđaju broj: UP-I/25-3-40-211-2/21 dana 08.06.2021. godine.

Na osnovu izvršenog uviđaja na licu mjesta je utvrđeno:

Na predmetnoj lokaciji izgrađeni su slijedeći sadržaji: poslovni objekat, asfaltirani otvoreni prostor za skladištenje sekundarnih sirovina, parking prostor za teretna vozila, manipulativne površine za rastavljanje autodijelova, kontejneri za smještaj sekundarnih sirovina i neuređene zemljane površine.

Oborinske onečišćene vode (tehnološke otpadne vode) nastaju prilikom rastavljanja, sortiranja i skladištenja sekundarnih sirovina, te u kontaktu oborinskih voda sa zauljenim površinama.

Oborinske onečišćene vode (tehnološke otpadne vode) sa platoa koji je betoniran prikupljaju se putem slivnika i kanalizacionom mrežom odvode do taložnika, a zatim ispuštaju u zacjevljeni putni kanal, čiji je krajnji recipijent otvoreni vodotok.

Otpadne vode sa neuređenih zemljanih površina (radni prostor koji nije betoniran, odnosno obrađen vodonepropusnim materijalom) na kojima se vrši sortiranje i raspoređivanje istih, direktno poniru u tlo.

Na osnovu dostavljene dokumentacije i uviđaja izvršenog na predmetnoj lokaciji, a u svrhu smanjenja negativnih uticaja predmetnog objekta na stanje voda i vodni režim, podnosiocu zahtjeva su ovom vodnom dozvolom u tački 3. dispozitiva Rješenja propisani uslovi u skladu sa odredbama članova 53. i 116. Zakona o vodama, člana 12. i 13. Pravilnika o sadržaju, obliku, uvjetima načinu izdavanja i čuvanja vodnih akata i odredbama člana 3. tačka s) Uredbe o uslovima ispuštanja otpadnih voda u okoliš i sisteme javne kanalizacije.

Tačkom 4. dispozitiva rješenja je propisana u skladu sa tačkama 12. i 35. Pravilnika o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte i posebnih vodnih naknada i Odlukom o visini posebnih vodnih naknada („Službene novine Federacije BiH“, broj 46/07).

Podnosilac zahtjeva je na ime izdavanja ovog vodnog akta izvršio uplatu pristojbe iz tar. broj 43. Zakona o federalnim upravnim pristojbama i Tarife federalnih upravnih pristojbi („Službene novine Federacije BiH“, broj 06/98, 8/00, 45/10 i 43/13).

Uputa o pravnom lijeku:

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva, u roku od 15 dana od dana prijema rješenja.


Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Voditelj postupka: Meho Čaušević, Bsc.ing.građ.

Prilog:

- Projekat vodosnabdijevanja, korištenja, prikupljanja i tretmana otpadnih i oborinskih voda, urađen od strane Rudarsko-geološko-građevinskog fakulteta u Tuzli, mart 2017. godine
- Glavni projekat snabdijevanja vodom i dispozicija otpadnih voda za potrebe izgrađenog objekta za skladištenje sekundarnih sirovina, urađen od strane ATRIUS Projekt d.o.o. Živinice, juli 2021 godine

Po ovlaštenju
Rukovodilac sektora za izdavanje vodnih akata


Haris Ališehović, dipl.ing.građ.



Dostaviti:

- „AKVAINVEST“ d.o.o. Živinice, Golubinjak bb, Živinice (sa prilogom)
- 🌀 AVP Sava, ISV – Vodna knjiga
- Sektor 50
- Sektor 40, arhiva
- Oglasna ploča AVP Sava